

МОЛИТВЫ ПЕРЕД НАЧАЛОМ КЛИРОСНОГО ПЕНИЯ

Господи Иисусе Христе, Сыне Божий, моли́тв ради Пречистыя Твоея Матери и всех святых, помилуй нас. Аминь.

Слава Тебе, Боже наш, слава Тебе.

Царю Небесный... Трисвятое по Отче наш...

Тропарь, глас 2-й: Творче и Создателю всяческих Боже, пение уст наших, к славе Твоей начинаемая, Твоим благословением спешно исправи, и нас от всякаго зла избави, яко един всесилен и Человеколюбец.

Слава, кондак, глас 6-й: Скóрый в заступлении и крепкий в помощь, предста́ни благодатию силы Твоея ныне, и благослови́в укрепи, и в совершение намерения благо́го дела рабов Твоих произведи: вся бо елика хощеши, яко Всеси́льный Бог, творити мо́жеши.

И ныне, глас 6-й: Предста́тельство христиа́н непосты́дное, ходата́йство ко Творцу́ непрело́жное, не прэзри грешных моленй гласы: но предвари, яко Бла́гая, на по́мощь нас ве́рно зову́щих Ти: ускори на моли́тву и потщи́ся на умоле́ние, предста́тельствующи при́сно, Богоро́дце чту́щих Тя.

Из ектении: При́зри, Человеколю́бче, ми́лостивным Твои́м о́ком на рабы́ Твоя́ (или: на раба́ Твоего́) (и́мя рек), ко Твоему́ благоутро́бию ве́рою припада́ющия (или: припада́ющаго), и услы́шав моле́ния их (или: его́), благо́е намерение и де́ло их (или: его́) благослови́, и благопо́лучно нача́ти и спешно кро́ме всякаго препя́тия во сла́ву Твою́ соверши́ти, яко всеси́льному Царю мо́лим Ти ся, услы́ши и помилуй.

Молитва: Господи Иисусе Христе, Боже наш, прими́ усердное моле́ние на́ше и благослови́ благо́е намерение и де́ло рабов Твоих (и́мя рек), е́же благопо́лучно нача́ти, и без препя́тия всякаго ко сла́ве Твоей соверши́ти. Де́лателем благопоспеш́и и пение на́ше исправи, и в совершение си́лою Пресвята́го Твоего́ Ду́ха спешно произве́сти сотвори́! Твое́ бо е́сть, е́же ми́ловати и спаса́ти ны, Боже наш, и Тебе́ сла́ву возсыла́ем, со безнача́льным Твои́м Отце́м, и Пресвяты́м и Благи́м и Животворя́щим Твои́м Ду́хом, ны́не и при́сно и во ве́ки веко́в. Аминь.

Молитва клиросных

Влады́ко Господи Иисусе Христе́ Боже наш, Ты бо рекл еси́ пречи́стыми у́сты Твои́ми: Аминь глаго́лю вам, яко́ а́ще два от вас совеща́ета на земл́и о всякой ве́щи, ея́ же а́ще про́сита, бу́дет и́ма от Отца́ Моего́, Иже на небесе́х. Иде́же еста́ два или́ трие со́брани во Имя́ Моё́ ту́ Ёсмь посреде́ их.

Непрело́жна словеса́ Твоя́, Господи, милосе́рдие Твое́ Бизприкла́дно, человеколю́бию несть конца́. Сего́ ради, раби́ Твои́ (и́мена), ве́рою объе́мля Тобо́ю рече́нная, припада́ем Твоей бла́гости и согла́сно и усердно мо́лим: да́руй нам, кли́росным, мир и нелицеме́рное взаи́мное дру́желю́бие и по́мощь нам, немощны́м в тех непоколеб́имо пребыва́ти, и да не ста́нут грехи́ на́ша к нару́шению благоле́пия свята́го хра́ма Твоего́, да по́мощию Твоею́ и моли́твами святых возмо́жем послуж́ити Тебе́ и бра́тиям на́шим прихо́жанам в моли́твенном и смире́нном ду́хе, чтéнием и пéнием вня́тным, благоле́пным и благоговéйным во сла́ву Имени Твоего́ и на ду́шевную по́льзу всех нас. И да бу́дет во всем не на́ша грешная, но Твоя́ свята́я во́ля. Аминь.

Три поклона: Господи, спаси́ и сохрани́ мя, грешнаго.